



Հունիսի 2-ին, երեքշաբթի. - Գ օր Հոգեգալստեան: Պահք:

Այսօր Մայր Աթոռ Սբ. Էջմիածնում Մայր Աթոռի դիվանապետ Տ. Ներսես արքեպս. Պողոսյանն ընդունեց Եվրամիության պատվիրակությանը՝ արտաքին հարաբերությունների եվրոպական հանձնակատար Հանս վան դեն Բրուկի գլխավորությամբ:

Տեղեկանալով Ն.Ս.Օ.Տ.Տ. Գարեգին Ա Ամենայն Հայոց Կաթողիկոսի առողջական վիճակի մասին, հյուրերը շուտափույթ ապաքինում մաղթեցին վեհափառ Հայրապետին:

Այս սրբազան հայրը հյուրերին ներկայացրեց Հայ Առաքելական Եկեղեցու ներկա կացությունը, պատմեց Մայր Աթոռ Սբ. Էջմիածնի հոգևոր գործունեության մասին: Սրբազան հայրը նշեց նաև Հայ Եկեղեցու սերտ հարաբերությունները քրիստոնյա քույր Եկեղեցիների հետ:

Հունիսի 7-ին, կիրակի. - Ա. կիրակի զկնի Հոգեգալստեան:

Այսօր Մայր Տաճարում, Ավագ Ս. Սեդանի վրա, Ս. Պատարագ մատուցեց և «Հայր մեր»-ից առաջ քարոզ խոսեց Մայր Աթոռի միաբան Տ. Թադեոս վարդապետ Զիրեկյանը՝ «Քանզի յոյժ գորաւօր են աղօթք արդարոյ յօգնականութիւն» (Հակոբոս Ե 16) բնաբանով:

Հունիսի 13-ին, շաբաթ. - Տօն Սրբոյն Գրիգորի Լուսաւորչին մերոյ ելնի վիպէն:

Այսօր Մայր Տաճարում, Իջման Ս. Սեդանի վրա, Ս. Պատարագ մատուցեց

Մայր Աթոռի միաբան Տ. Մակար արեղա Հովհաննիսյանը: «Հայր մեր»-ից առաջ քարոզ խոսեց պատարագիչ հայր սուրբը՝ «Ընդ որոյ սին բոցոյ առաջնորդէր անծանօթ ճանապարհին. զարեգակն անվնաս ետուր առատ ասպնջականութեանն» (Իմաստ. Սողոմոնի ԺԸ 3) բնաբանով:

Հունիսի 14-ին, կիրակի. - Բ. կիրակի զկնի Հոգեգալստեան: Տօն Կաթողիկէ Ս. Էջմիածնի:

Այսօր Մայր Տաճարում, Ավագ Ս. Սեդանի վրա, Ս. Պատարագ մատուցեց Գերաշնորհ Տ. Արսեն արքեպս. Բերբերյանը: «Հայր Մեր»-ից առաջ քարոզ խոսեց պատարագիչ սրբազանը՝ «Էջ Միածինն ի Հօրէ եւ յոյս փառաց ընդ նմա» (շարական) բնաբանով:

Ս. Պատարագից հետո կատարվեց Մաղթանք Հայրապետական և Ս. Էջմիածնի:

Հունիսի 21-ին, կիրակի. - Գ. կիրակի զկնի Հոգեգալստեան:

Այսօր Մայր Տաճարում, Ավագ Ս. Սեդանի վրա, Ս. Պատարագ մատուցեց Տ. Բագրատ արեղա Գալստյանը: «Հայր մեր»-ից առաջ պատարագիչ հայր սուրբը քարոզ խոսեց՝ «Ո՛չ գիտե՛ք՝ թէ որում պատրաստե՛ք զանձինս ձեր ծառայս ի հնազանդութիւն, ծառայ էք որում հնազանդիքն. եթէ մեղաց՝ մահու, եւ եթէ ի հնազանդութիւն՝ արդարութեան» (Հոով. Զ 16) բնաբանով:

Հունիսի 25-ին, հինգշաբթի. - Պահք: Սրբոցն Թէոդիտոնի Գաղատացւոյն եւ Թալիլեայ բժշկին եւ եօթն կուսանացն, որք յԱնկիտիա կատարեցան:

Այսօր Մայր Աթոռ Սբ. Էջմիածնում Մայր Աթոռի դիվանապետ Տ. Ներսես արքեպս. Պոզապալյանն ընդունեց հայ-ուկրաինական բիզնես-ֆորումի պատվիրակությանը՝ Ուկրաինայի Գործարարների միության նախագահ Ալեքսանդր Օնիպկոյի գլխավորությամբ:

Տ. Ներսես արքեպս. Պոզապալյանին ներկայացնելով հայ-ուկրաինական առաջին հավաքի արդյունքները, Հայաստանի Արդյունաբերողների և գործարարների միության նախագահ Արամ Վարդանյանը տեղեկացրեց նաև, որ բիզնես-ֆորումի մասնակիցները 10 հազար դոլար են տրամադրել Երևանի Սբ. Գրիգոր Լուսավորիչ Տաճարի կառուցմանը:

Հանուն Վեհափառ Հայրապետի ողջունելով հյուրերին, սրբազան հայրը շնորհակալություն հայտնեց նվիրատվության համար: Ներսես սրբազանը նշեց, որ երկու ժողովուրդների միջև բարեկամությունն ու հոգևոր կապերն ունեն պատմական հիմքեր, ինչի վկայություն է կրկի Մայր Տաճարի հիմքում արձանագրված հայ վարպետների անունները:

Հայ-ուկրաինական հոգևոր և մշակութային կապերի մասին փաստեց նաև պրոֆ. Օնիպկոն՝ հայտնելով, որ ուկրաինական կառավարությունը ևս աջակցում է այդ կապերի ամրապնդմանը: Ուկրաինայում Հայ Առաքելական Եկեղեցին ունի իր թեմը, ներկայումս հայկական մոր եկեղեցիներ են կառուցվում Օդեսայում և Դոնեցկում:

Հանդիպման ավարտին հյուրերը շրջեցին Մայր Աթոռի թանգարաններում, ծանոթացան Հայ Եկեղեցու 1700-ամյա պատմությանը:

Հանդիպմանը ներկա էր Հայաստանում Ոսկրահնայի արտակարգ և լիազոր դեսպան Ալեքսանդր Բոժկոն:

Հունիսի 28-ին, կիրակի. - Ռ. կիրակի զվանի Հոգեգալստեան:

Այսօր Մայր Տաճարում, Ավագ Սուրբ Սեդանի վրա, Ս. Պատարագ մատուցեց Տ. Արշակ արեղա խաչատրյանը: «Հայր մեր»-ից առաջ պատարագիչ հայր սուրբը քարոզ խոսեց՝ «Ոչ ես դադարեցե՛ք բարկություն իմ ի հակառակորդաց իմոց, եւ դատաստանօք դատեցայց զթշնամիս իմ» (Եսայի Ա 24 քնաբանով):

Հունիսի 29-ին, երկուշաբթի. - Սրբոցն վկայիցն Անտոնինոսի, Թեոփիլոսի, Անիքստոսի եւ Փոտինոսի:

Այսօր Մայր Աթոռ Սբ. Էջմիածնի դիվանապետ Տ. Ներսես արքեպս. Պոզապալյանն ընդունեց Միացյալ մեթոդիստների օգնության կոմիտեի /UMCOR/ պատվիրակությանը՝ «Աջակցություն Հայաստանին անցումային շրջանում» առաքելության ղեկավար Թիերրի Ս. Վոլլենի գլխավորությամբ:

Սրբազան հայրը հյուրերին ծանոթացրեց Հայաստանյայց Առաքելական Եկեղեցու և Մայր Աթոռ Սբ. Էջմիածնի պատմությանը, պատմեց խորհրդային տարիներին Հայ Եկեղեցու կրած դժվարությունների մասին, ներկայացրեց Եկեղեցու առաքելությունն անկախ Հայաստանում:

Պատասխանելով հյուրերի հարցերին, Տ. Ներսես արքեպս. Պոզապալյանն անդրադարձավ Ղարաբաղյան հիմնախնդրին, խոսեց հոգևոր կրթության հարցերի շուրջ, պարզաբանեց հայ կնոջ տեղը Հայ Եկեղեցում:

Հունիսի 30-ին, երեքշաբթի. - Սրբոցն Դանիելի մարգարէին եւ երից մանկանցն՝ Սեդրակայ, Միսաքայ եւ Աբեղնագովի:

Այսօր Մայր Աթոռ Սբ. Էջմիածին այցելեց Հայաստանում գտնվող Ֆրանսիայի Սենատի պատվիրակությունը:

Ողջունելով հյուրերին, Մայր Աթոռի ղրկանապետ Տ. Ներսես արքեպս. Պոզապալյանը զոհունակություն հայտնեց՝ վերջերս Ֆրանսիայի Ազգային Ժողովի կողմից Հայոց եղեռնի ճանաչման առթիվ:

«Դա ֆրանկո-հայկական կապի մոր արտահայտություն է», - ասաց սրբազան հայրը:

Գերաշնորհ հայրն իր նրախտիքի խոսքն ողջնց մաս ֆրանսիական ժողովրդին ու պետությանը՝ երկրաշարժից հետո Հայաստանին ցուցաբերած աջակցության համար:

Հանդիպման ընթացքում Տ. Ներսես արքեպս. Պոզապալյանը պատմեց Մայր Աթոռ Սբ. Էջմիածնի մասին: Հյուրերի խնդրանքով սրբազան հայրն անդրադարձավ Մայր Աթոռի և Հայ Առաքելական Եկեղեցու նվիրապետական մյուս Աթոռների հարաբերություններին, Հայ և կաթոլիկ Եկեղեցիների միջև եղած տարբերություններին: